



Nuuk, d. 9. september 2015

Inatsisartut suleriaasianni § 37 naapertorlugu Naalakkersuisunut imaattunik apeqqutissaqarpunga:

- 1. "Persuttaasarneq akiorniarlugu siumut isigaluni periusissiaq iliuusissatullu pilersaarut ukiuni 2014-2017-imi" Naalakkersuisut pinngitsaaliilluni arnerinnittarnerup akiorneqarnissaanut tunngasumik immikkoortumik ilanngussinissamik pilersaaruteqarpat?**
- 2. Nunatsinni pinngitsaaliisumik arnerinermi ilarpassuisa pineqaatissinneqartannginnerat eqqarsaatigalugu eqqartuussivimmi naapertuuttumik pineqarnermik misigisimanissap innarlerneqarneranik isumaqarnera Naalakkersuisut isumaqatigivaat?**
- 3. 2. oktober 2013-imi Naalakkersuisut uannut uppernarsarpaat Kalaallit Nunaanni Pinerluttulerinermi inatsisip §§ 77-iata aamma 78-iata sukaterneqarnissaanut tunngatillugu danskit naalakkersuisui qinnuigineqassasut<sup>1</sup>. Tamanna pisimava? Qanga qanorlu?**
- 4. Eqqartuussisoqarnermi maleruagassat qimerloorneqarnissaat 2013-imi pilersaarutaasimasoq eqqarsaatigalugu Naalakkersuisut suliami tassani sumut killippat? Inatsisitsinni sutigut iluarsisoqarnissaanut paasisaqartoqarsimava, taakkualu qanoq tulleriiaarneqassappat?**
- 5. Atoqatigiinneq nuannersuusussaavoq kanngunartuunanilu annernartuusussaangitsoq. Taamaattumillu inuusuttut tamarmik atoqatigiinnikkut killissaminnik inissiisariaqarput allallu killissaat ataqqillugit. Tamatuma aallunneqarnerunissaanut Meeqqat Atuarfianni kinguaassiutinik ilinniartitsinermi pilersaaruteqartoqarpa? Naalakkersuisullu isumaat naapertorlugu pisaq tamanna ullumikkut naammaginartumik isumagineqarpa?**

(Inatsisartuni ilaasortaq, Naaja H. Nathanielsen)

### **Tungavilersuut**

FN-ip allattugaataani pinngitsaaliilluni arnerinerni innuttaasut amerlassusaannut sanilliullugu qaffasinnerpaamik inissisimanitsinnut nutaarsiassaq ajorluinnartuullunilu akuerineqarsinnaangilaq.

---

<sup>1</sup> § 37 nr. 199 fra 2013

Tamatuma takutippaa allat killissaannut ataqqinninneq eqqarsaatigalugu inuiaqatigiinni inorsissimasugut. Atoqatigiinneq akuersinertaqanngitsoq kanngutsaatsuliorneruvoq akuerineqanngisaannartussa. Oqariartuut tamanna tamanut siaruartertariaqarpoq, pisortattaq tungaanniit sulii annertunerujussuarmik.

Ullut suliffiusut qulit iluanni apeqqutima akineqarnissaat kissaatigaara.

**Linksit attuumassuteqartut:**

[http://inatsisartut.gl/documents/para3637/2013/spm/106\\_voldtægt\\_najn\\_dk.pdf](http://inatsisartut.gl/documents/para3637/2013/spm/106_voldtægt_najn_dk.pdf)

[http://inatsisartut.gl/documents/para3637/2013/spm/191\\_Voldtaegt\\_II\\_nana\\_dk.pdf](http://inatsisartut.gl/documents/para3637/2013/spm/191_Voldtaegt_II_nana_dk.pdf)

[http://inatsisartut.gl/documents/para3637/2013/svar/199\\_Voldtaegt%20III\\_najn\\_svar.pdf](http://inatsisartut.gl/documents/para3637/2013/svar/199_Voldtaegt%20III_najn_svar.pdf)